



PLANT YNG NGHYMURU
CHILDREN IN WALES

Gweithiwr Ymgysylltu – Cymru Ifanc

(Cymraeg yn hanfodol)

Pecyn Ymgeisio

Cyflwyniad

Teitl y Swydd: Gweithiwr Ymgysylltu – Cymru Ifanc

Yn adrodd i'r: Uwch Swyddog Cymru Ifanc

Lleoliad: Gweithio o swyddfa yng Nghaerdydd – gweithio ystwyth gartref neu yn y swyddfa. Bydd y rôl hon yn galw am deithio ledled Cymru pan fydd angen.

Oriau Gwaith: 28 awr yr wythnos

Gofynion Iaith: Mae'r rôl hon yn galw am lefel uchel o ruglder yn Gymraeg. Mae'r gallu i gyfathrebu'n hyderus ac yn broffesiynol trwy gyfrwng y Gymraeg yn hanfodol.

Lluniwyd yr wybodaeth amgaeedig i roi darlun llawnach i chi o ofynion y swydd a gwybodaeth am Plant yng Nghymru.

Lluniwyd y disgrifiad swydd i grynhoi'n glir gwmpas a chyfrifoldebau'r swydd, a dylid ei ddarllen yn drylwyr. Diben y fanyleb person yw nodi, mor fanwl gywir â phosibl, y sgiliau, y profiad a'r wybodaeth sy'n ofynnol er mwyn i ymgeiswyr fedru bodloni gofynion y swydd.

Mae'n hanfodol eich bod yn darllen hyn yn ofalus ac yn rhoi sylw i'r meini prawf a geir yn y fanyleb person yn eich cais. Os na wnewch hynny, bydd gennych lawer llai o gyfle o gael eich dewis ar gyfer cyfweliad.

Y dyddiad cau ar gyfer derbyn ceisiadau yw 9 o'r gloch 17 Gorfennaf 2025

Byddwn ni'n cynnal cyfweliadau 24 Gorfennaf 2025

Rydyn ni'n ymroddedig i ddarparu gwasanaethau sy'n croesawu amrywiaeth ac yn hybu cyfle cyfartal. Seiliwyd hynny ar Ddeddf Cydraddoldeb 2010, a byddwn yn glynu at y drefn honno ym mhob cam o'r broses recriwtio.

Rydyn ni'n ymroddedig i fod yn gorff gwrth-hiliol a chynyddu amrywiaeth trwy ddileu rhwystrau a chefnogi ein holl staff i gyflawni eu potensial. Rydyn ni'n ymroddedig i recriwtio pobl Ddu, Asiaidd ac o leiafrifoedd Ethnig, a phobl anabl, sydd wedi'u tangynrychioli ar hyn o bryd yn Plant yng Nghymru.

Rydyn ni'n croesawu ceisiadau gan bawb, heb ystyried oedran, priodas a phartneriaeth sifil (un rhyw a gwahanrywiol), namau neu gyflyrau iechyd, rhyw, cyfeiriadedd rhywiol, beichiogrwydd a mamolaeth, hil, crefydd neu gred, hunaniaeth rhywedd neu fynegiant rhywedd.

Ein panel recriwtio fydd yn llunio'r rhestr fer ar gyfer cyfweld. Fyddan nhw ddim yn gweld eich manylion cyswllt nac unrhyw wybodaeth cyfle cyfartal. Bydd yr wybodaeth a gafwyd gan ymgeiswyr aflwyddiannus yn cael ei chadw'n ddiogel am gyfnod o 1 flwyddyn, ac yna'n cael ei dinistrio heb ei datgelu.

I arbed costau, dim ond trwy e-bost y gallwn gydnabod ein bod wedi derbyn eich cais.

Os llwyddwch i symud ymlaen i gyfweliad, cewch wybod trwy'r cyfeiriad e-bost a roddwyd i ni.

Disgrifiad Swydd

Teitl y Swydd: Gweithiwr Ymgysylltu – Cymru Ifanc

Yn adrodd i'r: Uwch Swyddog Cymru Ifanc

Lleoliad: Gweithio o swyddfa yng Nghaerdydd – gweithio ystwyth gartref neu yn y swyddfa. Bydd y rôl hon yn galw am deithio ledled Cymru pan fydd angen

Oriau Gwaith: 28 awr yr wythnos

Cyfradd Talu: £26,520

Prif bwrpas y rôl:

Cefnogi tîm Cymru Ifanc Plant yng Nghymru i ymgysylltu â phlant a phobl ifanc fel rhan o'r rhaglen Cymru Ifanc. Bydd hyn yn cynnwys cefnogi Swyddogion Datblygu yn y cyfleoedd cyfranogi megis sesiynau preswyl, hwyluso byrddau a grwpiau cynghori ar feysydd polisi allweddol, a chefnogi'r tîm gyda gwaith ymgynghori ehangach er mwyn sicrhau bod hawliau plant yn cael eu hybu a'u cynnal yng Nghymru, a bod pobl ifanc yn cael cyfleoedd ystyrlon i leisio barn ar faterion sy'n bwysig iddyn nhw.

Mae sgiliau Cymraeg yn hanfodol ar gyfer y rôl hon, gan y bydd yn galw am ymgysylltu'n uniongyrchol â phobl ifanc ar draws amrywiol gymunedau yng Nghymru. Bydd llawer o'r bobl ifanc hynny'n siarad Cymraeg neu'n cael eu haddysg mewn ysgolion cyfrwng Cymraeg.

Prif ddyletswyddau a chyfrifoldebau

- Cefnogi datblygiad cyffredinol Rhaglen Cymru Ifanc er mwyn sicrhau bod lleisiau plant a phobl ifanc yn cael eu clywed yng nghyswllt materion sy'n effeithio arnyn nhw
- Ymgysylltu ag ystod o bartneriaid a rhwydweithiau i sicrhau bod rhaglen Cymru Ifanc yn wirioneddol hygyrch ac yn wir yn cynnwys holl bobl ifanc Cymru
- Cefnogi'r gwaith o gynllunio a chyflwyno sesiwn breswyl Cymru Ifanc a gŵyl flynyddol Cymru Ifanc
- Cael cyfle i arwain prosiect neu lif gwaith
- Cynhyrchu cylchlythyr deufisol i bobl ifanc, mewn cydweithrediad â'r Tîm Cyfathrebu
- Darparu dyletswyddau gweinyddiaeth craidd i dîm Cymru Ifanc, gan gynnwys archebu trefniadau teithio a llety Gwirfoddolwyr Cymru Ifanc ar gyfer digwyddiadau

- Cyflawni tasgau cofnodi, monitro a gwerthuso, a chyfrannu at ddiweddariadau ac adroddiadau sy'n ofynnol ar gyfer swyddogion Llywodraeth Cymru
- Mynychu ystod o gyfarfodydd a digwyddiadau yn ôl y galw, a rhoi adborth i dîm Cymru Ifanc
- Cefnogi'r gwaith o ddatblygu adnoddau ehangach i dîm Cymru Ifanc
- Helpu i gynllunio a chyd-hwyluso sesiynau gyda phobl ifanc, gan gynnwys cyswllt uniongyrchol gyda phlant a phobl ifanc, yn ôl y galw
- Helpu i gynllunio digwyddiadau, gan gynnwys drafftio asesiadau risg
- Cyflawni pob un o'r uchod yn unol â nodau, gwerthoedd ac amcanion strategol Plant yng Nghymru, gan roi sylw penodol i Gonfensiwn y Cenhedloedd Unedig ar Hawliau'r Plentyn (CCUHP) a Pholisïau Amddiffyn Plant
- Cyfranogi'n llawn yng ngweithgareddau'r sefydliad, ac ymgymryd ag unrhyw dasgau eraill mae'r rheolwr perthnasol yn gofyn amdanynt

Nid yw'r rhestr hon yn hollgynhwysol, gan y gallai Plant yng Nghymru ofyn bod deilydd y swydd yn cyflawni dyletswyddau a chyfrifoldebau eraill, o bryd i'w gilydd, wrth gyfrannu at gyflawni ei weithgareddau.

Manyleb Bersonol

Meini Prawf	Hanfodol	Dymunol
Cymwysterau a Hyfforddiant		
Cymhwyster perthnasol mewn gwaith ieuenctid, addysg, gwyddorau cymdeithasol, neu faes cysylltiedig	✓	
Hyfforddiant mewn cyfranogiad, diogelu, neu ddulliau hwyluso		✓
Profiad		
Profiad o weithio'n uniongyrchol gyda phlant a phobl ifanc	✓	
Profiad o gynllunio a chyflwyno gweithgareddau ymgysylltiad ieuenctid (e.e. digwyddiadau, ymgynghoriadau, fforymau)	✓	
Profiad o weithio ar y cyd â phartneriaid neu randdeiliaid ar draws sectorau	✓	
Profiad o gynhyrchu deunyddiau hwylus i bobl ifanc (e.e. cylchlythyron, adroddiadau, cynnwys ar-lein)	✓	
Profiad o gyfrannu at brosesau monitro, gwerthuso neu adrodd	✓	
Profiad o arwain prosiect bach neu lif gwaith		✓
Sgiliau a Gwybodaeth		
Sgiliau Cymraeg rhugl – ar lafar ac yn ysgrifenedig	✓	

Dealltwriaeth o brotocolau Diogelu Cymru Gyfan, a sut rhoddir y rhain ar waith yn ymarferol	✓	
Sgiliau cryf o ran cyfathrebu ac ymwneud â phobl, a'r gallu i ymgysylltu â phobl ifanc o wahanol gefndiroedd	✓	
Dealltwriaeth o Gonfensiwn y Cenhedloedd Unedig ar Hawliau'r Plentyn (CCUHP) a sut mae'n cael ei gymhwyso yng Nghymru	✓	
Sgiliau trefnu a rheoli amser da	✓	
Gallu i weithio'n hyblyg ac yn annibynnol, yn ogystal ag fel rhan o dîm	✓	
Gallu i ddefnyddio platfformau ac offer digidol yn hwylus (e.e. Microsoft Office, Zoom, cyfryngau cymdeithasol)	✓	
Gwybodaeth am egwyddorion ac arferion cyfranogiad ieuenctid	✓	
Ymwybyddiaeth o dirlun polisi Cymru mewn perthynas â phlant a phobl ifanc		✓
Gofynion Eraill		
Gallu i deithio ledled Cymru yn ôl y galw, gan gynnwys aros dros nos yn achlysurol	✓	
Ymrwymiad i werthoedd Plant yng Nghymru, sy'n cynnwys cydraddoldeb, hawliau plant ac arfer cynhwysol	✓	
Rhaid cael gwiriad DBS manwl	✓	

Gwybodaeth Gefndir

Children in Wales – Plant yng Nghymru yw'r corff cynrychioliadol cenedlaethol o aelodau ar gyfer unigolion a sefydliadau o bob sector sy'n gweithio gyda phlant, pobl ifanc a theuluoedd yng Nghymru. Daw ein haelodau o'r sectorau cyhoeddus, elusenol/nid-er-elw ac annibynnol. Bydd ein gwaith wedi'i seilio ar ddull cydweithredol, sy'n hwyluso cyfleoedd i'n haelodau, ac i blant a phobl ifanc.

Byddwn ni'n gweithio tuag at gyflawni ein gweledigaeth ar y cyd â'n haelodau trwy wneud y canlynol:

- Ymgychu dros fabwysiadu a gweithredu Confensiwn y Cenhedloedd Unedig ar Hawliau'r Plentyn yn llawn ar bob lefel o'r gymdeithas yng Nghymru.
- Herio anghydraddoldeb a hybu tegwch i'r holl blant a phobl ifanc ledled Cymru.
- Cyfuno a chwyddo llais ar y cyd dros newid trawsffurfiannol ar lefel polisi yng Nghymru.
- Hyrwyddo a chefnogi cyfranogiad plant a phobl ifanc mewn strwythurau gwneud penderfyniadau ar bob lefel o'r llywodraeth yng Nghymru.
- Darparu llwyfan ar gyfer rhannu ymarfer arloesol ledled Cymru.
- Eiriol o blaid y sector(au) plant mewn meysydd blaenoriaeth.
- Darparu cyfleoedd dysgu a datblygu i'r gweithlu plant proffesiynol ar draws sectorau.
- Ymgymryd â gwaith ymchwil a'i ledaenu ymhlith ein haelodau.

Mae Plant yng Nghymru yn cyflawni nifer o weithgareddau er mwyn cyrraedd y nodau hyn. Yn eu plith mae:

- Trefnu cynadleddau a seminarau
- Darparu hyfforddiant
- Cefnogi a datblygu rhwydweithiau a fforymau cryf
- Cynhyrchu a lledaenu gwybodaeth
- Cynrychioli'r aelodau ac ymgynghori â nhw
- Gwaith ymchwil
- Gwaith uniongyrchol gyda phlant a phobl ifanc trwy ein prosiect Cymru Ifanc

Mae Plant yng Nghymru yn gweithio mewn partneriaeth â'r cyrff cyfatebol yn Lloegr, yr Alban a Gogledd Iwerddon, ac mae ganddo gysylltiadau cryf yn Ewrop ac yn rhyngwladol.

Fel corff o aelodau rydym ni'n sefydlu rhwydweithiau yng Nghymru er mwyn cynrychioli barn yr etholaeth, canfod pryderon cyffredin, ac annog gweithgaredd amlddisgyblaeth. Gall yr aelodau fod yn rhai corfforaethol neu unigol, a deuant o ystod eang o ddiddordebau, megis ieuchyd, addysg, sefydliadau gwirfoddol, gwasanaethau cymdeithasol, neu grwpiau hunan-gymorth.

Ariannir ein gwaith trwy grantiau gan Lywodraeth Cymru, rhoddwyr grantiau eraill, ac incwm a gynhyrchwn ein hunain.

Llywodraethir gwaith y sefydliad gan Fwrdd o Ymddiriedolwyr

[Swyddi | Children in Wales](#)